



Broj: 03-08-A.B.R.-~~3923~~-JP/16  
Sarajevo, 26.12.2016. godine

Zavod zdravstvenog osiguranja Kantona Sarajevo na osnovu člana 17. i 22. Statuta Zavoda zdravstvenog osiguranja Kantona Sarajevo („Službene novine Kantona Sarajevo“ broj 4/00, 18/02, 30/08, 01/12 i 15/13), člana 52. Zakona o zdravstvenoj zaštiti („Službene novine Federacije BiH“, broj 46/10 i 75/13), Zakona o zdravstvenom osiguranju („Službene novine Federacije BiH“, broj 30/97, 7/02, 70/08 i 48/11), saglasnosti Upravnog odbora Zavoda broj UO/06-4-DŽ.K.-37140/16 od 09.12.2016. godine, poziva da dostavite ponudu za

### JAVNI POZIV

**za dostavljanje ponuda za pružanje farmaceutskih usluga izdavanja lijekova i usluga snabdijevanja medicinskim sredstvima osiguranih lica Zavoda**

#### A. NAZIV UGOVORNOG ORGANA

Zavod zdravstvenog osiguranja Kantona Sarajevo  
Kontakt telefon: 033 725 200/ 033 725 217  
Faks: 033 725 298  
Email: javne.nabavke@kzzosa.ba  
Kontakt osoba: Amila B. Ramezić

#### B. OPIS PREDMETA NABAVKE

Predmet javnog poziva je nabavka farmaceutskih usluga izdavanja lijekova i usluga snabdijevanja medicinskim sredstvima osiguranim licima Zavoda zdravstvenog osiguranja Kantona Sarajevo (u daljem tekstu: Zavod) koji se mogu propisivati i izdavati na teret sredstava obaveznog zdravstvenog osiguranja.

1. Farmaceutske usluge se odnose na usluge izdavanja lijekova u skladu sa važećom Odlukom o listi lijekova koju donosi Vlada Kantona Sarajevo.

2. Usluge snabdijevanja medicinskim sredstvima se odnose na medicinska sredstva u skladu sa:

- važećom Uredbom o obimu, uvjetima i načinu ostvarivanja prava osiguranih lica na korištenje medicinskih sredstava, endoproteza, stomatološko-protetske pomoći i stomatološko-protetskih nadomjestaka;
- važećom Odlukom o visini učešća Zavoda u cijeni medicinskih sredstava.

#### C. OBAVEZE UGOVORNE APOTEKE

Apoteka se obavezuje da će obezbijediti nabavku, čuvanje i izdavanje lijekova kao i snabdijevanje osiguranih lica Zavoda medicinskim sredstvima u skladu sa važećim zakonskim i podzakonskim državnim i entitetskim aktima o lijekovima i medicinskim sredstvima, važećem zakonu o apotekarskoj djelatnosti, važećim listama lijekova na koja osigurana lica ostvaruju pravo na teret sredstava obaveznog zdravstvenog osiguranja, važećom Uredbom o obimu, uvjetima i načinu ostvarivanja prava osiguranih lica na korištenje ortopedskih i drugih medicinskih sredstava, endoproteza, stomatološko-protetske pomoći i stomatološko-protetskih nadomjestaka, dobrom apotekarskom praksom, kao i u skladu sa relevantnim opštim i pojedinačnim aktima Zavoda.

Apoteke su dužne nabavljati lijekove i medicinska sredstva na način i po procedurama koje su utvrđene važećim zakonskim propisima koji regulišu predmet nabavke.

Apoteka se obavezuje da će :

- obezbijediti kontinuirano snabdijevanje lijekovima i drugim sredstvima za sprječavanje i liječenje bolesti osiguranih lica Zavoda,

- obezbijediti snabdijevanje medicinskim sredstvima osiguranih lica Zavoda što podrazumijeva naručivanje, čuvanje pod propisanim uslovima i izdavanje medicinskih sredstava,
- obezbijediti nabavku, čuvanje i izdavanje gotovih lijekova na recept,
- vršiti spravljanje, ispitivanje i izdavanje magistralnih lijekova i galenskih pripravaka, provjeravati kvalitet galenskih pripravaka i ljekovitih tvari, a u skladu sa važećim farmakopejama i propisima,
- vršiti kontinuiranu kontrolu destilovane vode najmanje četiri puta godišnje u skladu sa pozitivnim zakonskim propisima,
- vršiti pregled ispravnosti recepta, kao i ovjerenog prijedloga o potrebi medicinskog sredstva, saradivati sa ljekarima propisivačima lijekova i medicinskih sredstava,
- davati zdravstvene savjete o načinu upotrebe lijekova, medicinskih sredstava, medicinskih, homeopatskih, dijetetskih i herbalnih proizvoda,
- pratiti i prijavljivati sve nus pojave lijekova, primjene medicinskih sredstava, interakcije i pojave alergija,
- obezbijediti jednomjesečne zalihe lijekova sa Liste lijekova koji se propisuju i izdaju na teret sredstava Zavoda zdravstvenog osiguranja Kantona Sarajevo u skladu sa Zakonom o apotekarskoj djelatnosti, kao i medicinskih sredstava,
- promovisati zajednički rad i aktivnosti sa Zavodom i učestvovati u realizaciji posebnih programa Zavoda u okvirima svoje registrovane djelatnosti.

### **C1. OBAVEZE APOTEKE VEZANO ZA ELEKTRONSKO IZVJEŠTAVANJE, FAKTURISANJE I IZDAVANJE LIJEKOVA**

Apoteka je obavezna pratiti izdavanje lijekova i medicinskih sredstava primjenom adekvatnog softverskog programa koji mora imati i mogućnost kreiranja elektronskog izvještaja o stanju zaliha lijekova koji se izdaju na teret sredstava Zavoda u editabilnoj elektronskoj formi (.xls ili .xlsx dokument) koja sadrži najmanje sljedeće podatke: šifra lijeka (koju koristi Zavod), zaštićeni naziv lijeka, oblik i pakovanje, proizvođač, trenutno stanje zalihe (broj komada). Ugovorna apoteka je obavezna izvršiti integraciju softverskog programa sa integralnim informacionim sistemom (aplikacijom eApoteka).

Apoteka se obavezuje da će ispostaviti jednu fakturu za sve recepte (pisane i elektronske) koja uključuje recepte za domaće osiguranike, za ino-osiguranike, za RVI i lijekove koji se izdaju po programima.

Apoteka se obavezuje da će odvojeno dostaviti fakture za:

- za ampulirane lijekove
- za medicinska sredstva izdata osiguranim licima Zavoda.

Zavod može zahtijevati i fakturisanje po drugačijim grupacijama u odnosu na naprijed navedena, a čega se Apoteka dužna pridržavati.

Uz fakturu za izdata medicinska sredstva, Apoteka obavezno dostavlja zasebne podatke o izdatim medicinskim sredstvima u elektronskoj formi (po strukturi elektronskog importa koju definiše Zavod), te sve originalne ovjerene prijedloge (Obrazac ZP-6).

Apoteka Zavodu dostavlja setove faktura mjesečno, a najkasnije do 15-og u mjesecu za prethodni mjesec.

Zavod putem aplikacije eApoteka prvog radnog dana u narednom mjesecu odobrava preliminarni obračun za realizovane recepte iz prethodnog mjeseca. Nakon toga, Apoteke su u mogućnosti da do trećeg radnog dana u mjesecu, zahtijevaju eventualne korekcije. Po okončanju ovog roka, Zavod putem aplikacije eApoteka, Apotekama dostavlja konačni validirani osnov i strukturu za fakturisanje, na osnovu koje Apoteka dostavlja svoje fakture prema Zavodu. Apoteka mora uskladiti svoje fakture prema dostavljenim validiranim obračunima.

O naknadno utvrđenim greškama Zavod će obavijestiti Apoteku i vratiti neispravnu fakturu, nakon čega je Apoteka obavezna ispostaviti odgovarajuću ispravnu knjigovodstvenu dokumentaciju.

Zavod može utvrditi i drugačije rokove za dostavljanje faktura i obračuna, o čemu će blagovremeno obavijestiti Apoteku.

Fakture za izdate medicinska sredstva za koje nije dostavljena elektronska forma (import) u prethodno navedenom periodu Zavod neće platiti, osim u slučajevima uzrokovanim višom silom.

Elektronska forma (import) izdatih medicinskih sredstava se dostavlja Zavodu putem e-maila i to na adresu: med.sredstva@kzzosa.ba

Izdavanje lijekova Apoteka će vršiti u okviru integralnog informacionog sistema – aplikacija eApoteka, prema instrukciji i uputstvima koje izdaje Zavod.

Za rad u integralnom informacionom sistemu – aplikacija eApoteka, Apoteka je dužna obezbijediti i održavati neophodnu konekciju, kao i računar adekvatnih hardverskih kapaciteta, čitače kodova (bar kod, 2d kod) te u potpunosti poštovati i provoditi sigurnosne politike i standarde, kao i akte o korištenju informacionog sistema u zdravstvu Kantona Sarajevo koje definiše Zavod.

#### **D. NAKNADE ZA IZDAVANJE LIJEKOVA I MEDICINSKIH SREDSTAVA**

Fakturisanje lijekova vršit će se po cijenama koje su utvrđene u važećim odlukama o listama lijekova koji se propisuju i izdaju na teret sredstava Zavoda. Medicinska sredstva će se fakturirati u skladu sa učešćem koji Zavod utvrđuje posebnim aktom.

Za izdavanje lijekova na recept utvrđenih u važećim listama lijekova, utvrđuje se naknada u iznosu od 1,65 KM sa uračunatim PDV-om po receptu, na osnovu Odluke Upravnog odbora Zavoda zdravstvenog osiguranja kantona Sarajevo br. UO/06-2-E.LJ.-16447/16 od 28.06.2016. godine. Ova naknada odnosi se na sve recepte bez obzira da li se izdaje lijek koji u cijelosti plaća Zavod ili lijek koji Zavod djelomično plaća. Za izdavanje ampularnih lijekova koji se primjenjuju u ustanovama primarne zdravstvene zaštite, utvrđuje se naknada u iznosu od 6% na neto cijenu lijeka. U naknadi od 6% uračunat je i PDV. Magistralni lijekovi propisani na recept na teret sredstava Zavoda izdavati će se bez obračuna naknade.

Upravni odbor Zavoda zadržava pravo izmjene visine naknade za recept i ampulirane lijekove ukoliko se ukaže potreba za tim.

Izdavanje medicinskih sredstava na osnovu ovjerenog prijedloga o potrebi ortopedsko-sanitarnog pomagala/medicinskog sredstva (Obrazac ZP-6) vršit će se bez obračuna naknade.

Na iznos sredstava koji predstavlja lično učešće osiguranih lica u cijeni lijeka, Apoteka ne može obračunavati dodatnu naknadu u bilo kojoj formi. Za lijekove sa važeće liste lijekova, za koje je utvrđeno procentualno učešće osiguranih lica u cijeni lijeka, osigurano lice plaća samo razliku između pune cijene i učešća Zavoda. Puna cijena predstavlja utvrđenu cijenu uvećanu za PDV.

#### **E. PERIOD NA KOJI SE ZAKLJUČUJE UGOVOR**

Period trajanja ugovora je do 31.12.2017. godine, odnosno do okončanja novog javnog poziva i izbora pružaoca usluga koje su predmet tog javnog poziva.

#### **F. KRITERIJ ZA DODJELU UGOVORA**

Pravo na uspostavljanje ugovornog odnosa imaju sve apoteke sa područja Kantona Sarajevo koje ispunjavaju uslove propisane Zakonom o apotekarskoj djelatnosti („Službene novine F BiH“, broj: 40/10), Zakonom o zdravstvenoj zaštiti („Službene novine F BiH“, broj 46/10 i 75/13) i drugim zakonskim i podzakonskim aktima, a koje obavljaju apotekarsku djelatnost na području Kantona Sarajevo.

#### **G. USLOVI I ZAHTJEVI KOJE PONUĐAČI TREBAJU ISPUNITI**

U pogledu sposobnosti za obavljanje profesionalne djelatnosti, ponuđač mora ispunjavati minimalno sljedeće uslove za što će u ponudi dostaviti dokaze:

1. Dokaz da je registrovan kod nadležnog organa za obavljanje djelatnosti koja je predmet nabavke što se dokazuje na sljedeći način:

a) Privatne apoteke moraju dostaviti Rješenje Ministarstva zdravstva Kantona Sarajevo o registraciji za obavljanje djelatnosti pružanja apotekarskih usluga (original ili ovjerena kopija)

b) JZU i PZU moraju dostaviti Rješenje Ministarstva zdravstva Kantona Sarajevo o registraciji za obavljanje djelatnosti pružanja apotekarskih usluga (original ili ovjerena kopija) i aktuelni izvod iz sudskog registra koji ne smije biti stariji od 3 mjeseca od dana utvrđenog za dostavu ponude sa prikazanom razvrstanom djelatnošću (original ili ovjerena kopija).

2. Izjavu da ispunjava uslove propisane odredbama Pravilnikom o bližim uslovima u vezi sa prostorom, opremom i kadrom, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije („Službene novine FBiH“, broj 44/12).

3. Izjavu da ispunjava uslove u pogledu kadra propisane odredbama člana 30. – 36. Zakona o apotekarskoj djelatnosti („Službene novine FBiH”, broj 40/10) i Naredbe o standardima i normativima zdravstvene zaštite iz obaveznog zdravstvenog osiguranja u FBiH („Službene novine FBiH”, broj 82/14) što se dokazuje sa Izjavom odgovornog lica da apoteka ispunjava uslove u skladu sa ovim odredbama uz spisak na kojem će biti navedena imena i prezimena, stručna sprema i u kojem ogranku ili depou je isti zaposlen.

4. Izjavu kojom se obavezuju JZU i PZU koje imaju saglasnost ministarstva za prometovanje ampuliranih lijekova na teret Zavoda, da će po potpisivanju ugovora odmah pokrenuti zajedničku proceduru nabavku za ampulirane lijekove sa važeće liste lijekova i odmah po okončanju procedure obavijestiti Zavod o utvrđenim cijenama.

5. Izjavu o ličnoj sposobnosti ponuđača kojom dokazuje ličnu sposobnost u skladu sa članom 45. Zakona o javnim nabavkama tj. izjavu da:

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza i ostalih javnih prihoda, u skladu sa važećim propisima u Bosni i Hercegovini.

**U svrhu dokazivanja uslova navedenih iznad od a) do d) ponuđač je dužan dostaviti izjavu popunjenu i ovjerenu kod nadležnog organa. Izjava ne smije biti starija od 15 dana od dana predaje ponude.**

**U skladu sa članom 45. stav (2) ZJN, izabrana Apoteka ili Privatna zdravstvena ustanova je obavezna dostaviti dokumente (originale ili ovjerene kopije), ne starije od 3 mjeseca od dana dostavljanja ponude, u roku od 5 dana od prijema Odluke o izboru, kojima će potvrditi da se slučajevi navedeni u članu 45. stav (1) ZJN ne odnose na njega.**

Apoteke sa kojima Zavod bude zaključio ugovor su prije zaključenja ugovora dužne dostaviti sljedeće dokaze u svrhu dokazivanja činjenica potvrđenih u gore spomenutoj izjavi i to:

- a) izvod iz evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje;
- d) potvrde nadležnih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke. Ovi dokazi ne mogu biti stariji od tri mjeseca, računajući od momenta predaje dokaza. Ukoliko ponuđač nije u sistemu PDV-a, obavezan je dostaviti Uvjerenje nadležnog organa da nije u sistemu PDV-a.

6. Izjava da posjeduje adekvatan softverski program za rad apoteke i izdavanje lijekova, te da će pomenuti softver iz vlastitih sredstava održavati, integrisati i prilagođavati potrebama integralnog informacionog sistema Zavoda.
7. Izjava da će kontinuirano i blagovremeno snabdijevati lijekovima i medicinskim sredstvima osiguranike Zavoda i za svo vrijeme trajanja ugovora na svom skladištu imati najmanje mjesečne zalihe robe koje nudi, na način definisan važećom Odlukom o listi lijekova.
8. Izjava o prihvatanju naknada navedenih u tački E ovog javnog poziva.
9. Izjavu da je dužan u toku trajanja ugovora pridržavati se svih traženih uslova iz Ugovora i ovog Javnog poziva ili u protivnom zavod zadržava pravo raskida ugovora.
10. Ovjereni kopija nalaza o inspekcijском nadzoru.

#### **NAPOMENE:**

Uz prijavu je potrebno priložiti dokumentaciju i Izjave i dokaze tražene ovim Javnim pozivom. Navedeni dokumenti se dostavljaju u originalu ili ovjerenim kopijama pri čemu ovjera ne može biti starija od tri mjeseca od posljednjeg dana utvrđenog za dostavu ponude. **Svaki akt pisan od strane podnosioca prijave mora biti uredno ovjeren od strane ovlaštenog lica i ne stariji od 3 (tri) mjeseca od dana predaje prijave.**

Ugovorni organ zadržava pravo provjere tačnosti datih podataka u dostavljenoj prijavi.

Ukoliko su pojedini dokumenti napisani na nekom drugom jeziku koji nije službeni u Bosni i Hercegovini, potrebno je dostaviti i zvaničan prevod sudskog tumača.

#### **H. NAČIN DOSTAVLJANJA PRIJAVA I ADRESA**

Prijave se dostavljaju u zatvorenoj kovrti lično na protokol Zavoda ili putem pošte na adresu: Zavod zdravstvenog osiguranja Kantona Sarajevo, ul. Zmaja od Bosne do broja 62, Sarajevo sa naznakom: „PRIJAVA ZA JAVNI POZIV za dostavljanje ponuda za pružanje farmaceutskih usluga izdavanja lijekova i usluga snabdijevanja medicinskim sredstvima - NE OTVARAJ”.

#### **I. KRAJNI ROK ZA DOSTAVU PRIJAVA**

Zainteresirana apoteke mogu dostaviti svoje prijave po ovom javnom pozivu **u roku od 15 kalendarskih dana** od dana zadnje objave. Neblagovremene i nepotpune prijave neće biti uzete u razmatranje.

#### **J. OSTALE ODREDBE**

Zavod ne snosi troškove apoteke u postupku Javnog poziva, te zadržava pravo prihvatiti ili odbiti u potpunosti svaku prijavu, poništiti Javni poziv ili odbiti sve prijave u bilo koje vrijeme prije zaključenja ugovora i pri tome ne snosi nikakvu odgovornost prema apotekama.

Poslije potpisivanja ugovora apoteke su dužne provesti zajednički javni poziv o nabavci ampuliranih lijekova.

Svi bliži uslovi će biti regulisani sa posebnim ugovorom zaključenim između Zavoda zdravstvenog osiguranja Kantona Sarajevo i odabranih apoteka.

Za sve detaljnije informacije možete se obratiti na telefon 033 725 200 i 033 725 217.

  
Mr. sc. oec. prim. spec. dr. Samir Turković